

蕭山湘湖志

匪古中外
皆不記

序

余以甲子二月奉檄權蕭山篆不半載得徧交其邑之賢士大夫
中多績學能文之彥而抗心希古熟悉鄉邦文獻者則推孝廉周
璐琴先生先生少以文章名澹於仕進隱居家衡年六十猶手一
編昕夕忘倦好飲酒與余有同嗜所居鄰官廨故往來較密頃者
出其所輯湘湖志八卷問序于余余按湘湖始于宋邑令楊文靖
廢田爲湖灌溉九鄉蕭山言水利者視爲要區焉自宋逮今數百
載中更世變于是侵佔者有之隱沒者有之覬覦開墾者又有之
歷經諸賢之呼籲保守得以不失舊物而形勢改革典章淪棄案
牘零亂碑誌磨滅不有專書彙而存之數十年後知者希矣先生
守闕抱殘旁搜遠討竭數月之力成一家之言足以信今傳後其

蕭山湘湖志 序

有裨於桑梓豈淺鮮哉余閩人也於文靖爲鄉先賢繼文靖之後
來宰是邑不獲仰遵矩矱遠紹前麻使湖之淤者濬之荒者闢之
俾吾九鄉黎庶復有宋代舊觀渥樂利於靡涖余滋疚矣然因讀
先生之書得悉文靖當年之惠政雖曰有志未逮差慰高山景仰
之心焉然則是編之成非唯蕭山人之幸亦余之幸也故樂而爲
之序

中華民國十四年歲次乙丑孟冬知蕭山縣事福州郭曾甄誌

序

蕭山之有湘湖謀水利也歷宋元明潦瀟旱洩制無或塞逮及清季邦人君子不水利之顧而覲及地利於是主墾主禁爭端啓矣主墾派之說以黃氏爲最長以爲積堰既開麻谿既築需水鄉分減九爲六水已有餘地不妨闢斯言似也然阡陌乍開灌溉奚賴不有所讓其何以沃地利盡矣謂無妨於水利誠未之敢信也繼黃氏而起者紛紛大抵襲其長而不能彌其憾故卒爲主禁派所細周氏種桑說於水地兩利頗知兼顧但以梁棟之材作樓閣之用其如未滿人意何善夫韓氏強士竟能效法歐美以機鑿并取地下之有餘補地上之不足也此論若見諸實行不僅地可墾而且湖可廢將胥天下無旱乾之患矣豈不偉歟路琴周公以名孝

蕭山湘湖志 序

廉熟於鄉邦之掌故有別墅濱湘湖故於湖事爲尤悉日者仿紀事本末體舉湖之創始沿革清估歷史禁墾成案旁及古蹟物產藝文詩歌之類分居別部勒爲一書名曰湘湖志案而不斷至謹嚴也夫物必有其賓主湘湖爲灌溉九鄉而設水利其主也地利其實也定主可以借賓而喧賓不宜奪主公之書以湘湖名據名從主人之例其意亦從可知矣書成乃以序命余昔南湖於公作湘湖考略 先居士公爲之序今公之書較考略爲詳而余文之謏陋詎足望 先居士公之豪末然獲觀鉅制之告成而竊幸先芬之克繼也爰拜手而書之
中華民國乙丑嘉平月世愚姪王仁溥謹序

自敘

蕭山澤國也枕江帶海水患是亟或瀦或洩調節其閒者厥惟湘湖九鄉矧矧於茲仰霑溉焉銘昔司牧凡在鄉賢靡不於此三致意者隄堰以濟當時簡筭以詔後世如顧令冲蕭山水利事蹟張公懋湘湖水利圖記魏文靖驥水利事述富僉事玆蕭山水利志張司馬文瑞水利三刻等或殘或佚或贖鱗爪非具體其元元本本沿波討源則毛西河湘湖水利志於南湖湘湖考略尙焉然自康乾迄今已歷二百數十寒暑塘閘變遷窪穴廢置形勢已改面目非舊加以土豪蠹吏侵佔隱沒厥案積尺治之莽然邇復請墾請禁彼仆此起互相訐訟歲無已時較諸明清初其全擾不啻倍蓰設非哀而輯之補毛於二公之未備後之覽者從何考鑿耶

蕭山湘湖志 序

僕幼弱於學壯萍於外故鄉山川風土譬如也倦遊歸來皤然老矣比辛酉秋乞湖濱片壤營築菴裘一舸兩漿听夕湖中眺越城之高峯訪楊岐之古渡雖烈日鏢肌寒颯骨撫今弔古到處流連棧織經年差窮曠隱夫乃歎鄱陽洞庭莫愁具區曩所歷陟而詫爲勝景者浩瀚壯闊容或讓彼幽秀淡遠莫能越此昔人云湘湖猶處女秘不炫人於茲益信客有譚湘湖故實惜其無志者謂僕粗知梗概德憑成之唯唯諾諾旋檢舊篋搜軼事掇拾貫串加以詮次首述龜山建始遞及趙顧郭於之肇畫魏何富張之經營暨宋元明清之案牘文告騷人學士之文賦詩歌下逮古蹟冢墓名山庵寺村落橋梁水陸物產提要鉤元罔弗殫錄文之體區以類類之編次以時凡六閱月而稿脫都爲八卷名曰湘湖志明知

操觚之率必滋覆頡之嗤祇以數百禩綿渺之緒十餘家漫漶之書彙爲一集紹前修餉來哲區區立意原徇客請非敢詡有造於湖也僕所慮者湖職固瀦水蒙利者僉德湖顧當春夏霖溢狂瀾東之儻無著將及瀾湖以防旱湖未嘗不防潦魏文靖詩云水能蓄潦容千澗旱足分流達九鄉殆得其崖略與今者西南高阜漲塞卅餘頃垂涎掣關日繁有徒九鄉否之曰旱潦均妨也吾命脈所寄烏乎可雖然攝緘滕固扁鑄爲法篋探囊發匱之盜而守備誠知已一旦巨盜至負置揭篋擔囊而趨唯恐緘滕扁鑄之不固則曩之所謂知者又將何如哉湖深可測世變不可測僕卽正告九鄉更望九鄉善處之時中華民國十四年乙丑十一月遁叟周易藻識

蕭山湘湖志 序

二

蕭山湘湖志目錄

卷一

湘湖原始

建設窪穴

紹興年定均水則例

淳熙年重定九鄉均水則例

嘉定年畫定湖沿以金線爲界

宋時兩議罷湖不許

宋時清佔清穴

元時治湖清佔

明時清佔

蕭山湘湖志 目錄

明時造橋建閘

清康熙時修塘

清康熙時嚴禁築隄盜水

清乾隆時改建石閘

清乾隆時清佔

卷二

清嘉慶時兩修塘閘

清咸豐時修築隄壩

清同治時修隄禁壅

清光緒時兩修湖塘閘壩

清光緒時呈請毀塘不許

docsriver 文川网
入驻商家 古籍书城

在文川网搜索古籍书城 获取更多电子书

清光緒時主墾主禁始末
清宣統時主墾主禁始末

卷三

民國時主墾主禁各案始末

卷四

壩閘之變更存廢 附放湖築壩定章

宋明禁罰舊例

歷代禁止墾佔之碑記

清代濬築工程之碑牘

民國示禁堆運湖草

歲修費原委紀要

蕭山湘湖志 目錄

民國歲修工程彙記

卷五

關於水利之藝文

關於風景之藝文

菴寺社會各碑記

卷六

湖賢事蹟

卷七

題詠

卷八

湖山

村落

菴廟

冢墓

古蹟

亭 池 泉 井 溪 嶺

湖橋

湖墩

山產物品

水產物品

甄瓦

窯所

蕭山湘湖志 目錄

禁墾羅家鵝勒碑始末

清乾隆三十八年清出佔戶三百八戶花名地段清冊

外編目錄

韓彊士經營湘湖意見書

來福論處分湘湖商權書

周德垣開墾湘湖意見書

民國十三年城區自治委員朱成基等呈請整頓水利原呈

蕭山湘湖志卷一

周易藻瑤琴甫編

湘湖原始

宋熙甯年縣民殷慶等請廢田爲湖 蕭山土壤而水漑雨則暴漲稍乾曠則渠港皆坵縣西二里許有高阜在西山之陰距隔阜菊花諸山相去越二里而東南夾東如衡術然每春夏多兩山水流離漫無所滯既不可以藝植而一當秋曠則中高外靖望如蒿蘆真蕪田也宋熙甯間縣民殷慶等一作殷慶度通縣之地此爲頗高可以下注而東南兩山蜿蜒如長隄天然捍蔽惟南北山盡處橫亘以塘卽巨浸也春夏山雨下可以蓄水而秋曠卽洩漑之以數萬畝易滯之田數十餘萬畝破裂不綴之地似乎較便因具狀奏

蕭山湘湖志

卷一

聞請築爲湖時神宗皇帝頗留心水利已可其奏下本縣會議時富民多游移不能畫壹而令其地者又憚于任事遂不決而罷

徽宗大觀間縣民復有以築湖請者至政和二年將樂楊時補蕭山縣令集耆老會議躬歷其所相山之可依與地之可圩者增庫補隄但築兩塘于北南一在羊騎山歷山之南一在菊花西山之足兩相欄築而其滯已成大約周圍八十餘里通計其田有三萬七千零二畝統以爲湖用以漑由化等鄉諸田得一十四萬六千八百六十八畝有奇卽以湖田原糧一千石零七升五合加派之由化等鄉得水之田每田一畝派七合五勺以代爲上納謂之均

包湖米

萬曆志包湖米湖周圍計三萬七千二百畝原額有田一千六百八十二畝一分五釐九毫治十三年改正爲湖其田糧派於九鄉得湖米三合至萬曆九年後又加五勺六分五厘九毫每畝帶科米三合至萬曆九年

謹按湘湖之名不知何所取義錢宰湘陰草堂記云邑人謂境之勝若瀟湘然因以名之他書無所考證姑存其說

建設窪穴

穴口凡十有八處曰石斗門卽石巖穴曰黃家窪曰董家湫曰鳳林穴曰亭子頭曰楊岐穴曰許賢窪曰歷山南曰歷山北曰河壘堰曰柳塘曰石家湫卽石湫口曰東斗門卽盛家港曰橫塘曰金二穴曰划船港曰周婆湫曰黃家湫

紹興年定均水則例

高宗紹興二十八年戊寅歲旱爭水九鄉之決漑者多寡早晚不得均平因有毆擊致訟者縣丞趙善濟爲集塘長暨諸上戶與之定議設一均水法相高低以分先後計毫釐以酌多寡限尺寸以

蕭山湘湖志

卷一

制泄放立爲渠則絕無枯苑偏頗之患衆皆悅伏無敢爭者其所定例遂永以爲法

淳熙年重定九鄉均水則例

記曰謹按圖經湘湖在縣西二里周廻八十里漑田千餘頃水之所至九鄉紹興二十有八載縣丞趙善濟以旱歲多訟乃集塘長暨諸上戶與之定議相高低以分先後計毫釐以酌多寡限尺寸以制泄放立爲成規人皆悅之第八鄉既均其稍有未及者惟許賢一鄉得水頗陜雖後有告不均者爲之開穴以通其利而舊約未改迄今垂二十餘年莫之重定其新舊約俱不詳淳熙九年冲溢宰斯邑適丁早傷之餘歷詢湖利去其侵奪爲田者乃復謀於衆斟酌舊約因少損八鄉之水以益許賢使之均等大約九鄉管田得一

十四萬六千八百六十八畝二角其水以十分爲準每畝合得六絲八忽一秒積而計之以地勢有高低之異故放水有先後之次分爲六等柳塘最高故先黃家壩最低故後其間高低相若同等者同放此先後之序不可易者去水穴一十有八每穴闊五尺自水面掘深三尺其傍柱以石底亦如之非石則衝洗深闊去水無限矣其放水次第約計有六先者重罰私置穴中夜盜水者其罰尤倍相傳揭防斷臂資水斷趾言折傷也昔召信臣居南陽作均水約束刻石立于田畔以防紛爭後人敬慕之茲仿其意亦以放水穴次與時刻先後開列于後

第一放柳塘溉夏孝鄉范巷村二百二十四畝一角四十步得水一釐三毫七絲七忽放四時一刻止

蕭山湘湖志 卷一 三

周婆湫溉夏孝鄉杜湖村六百五十畝得水四毫四絲二忽放一時三刻止以上同放不同止

歷山南溉安養孫茂村一千四百九十七畝三角得水一釐一絲九忽放三時止

歷山北溉安養孫茂村一千四百九十七畝三角得水一釐一絲九忽放三時止

第二放黃家湫溉夏孝鄉斜橋村一千七百五十五畝杜湖村六百五十畝共得水一釐六毫三絲七忽放四時九刻止

金二穴溉夏孝鄉寺庄村一千五百一十六畝二角四十步得水一釐三毫二忽放三時一刻止

羊騎山穴溉新義鄉前後峽村二千三百五十六畝一角三

十步得水一釐六毫五忽放四時八刻止

河墅堰溉安養鄉百戶村二千三百四十二畝三十步

長興鄉河墅村一千六十四畝一角

黃山村五千八百三十七畝三角

山北村九百三十六畝一角

夏孝鄉許村一千九百五十三畝三角十二步共得水八釐二毫六絲三忽放二十四時八刻止

第三放東斗門溉昭名鄉縣東村一千二百八十五畝由化鄉澇湖村三千四百三十畝

北幹村六百四十二畝

去虎村一千九百八十三畝

安射村一千六百三十六畝

蕭山湘湖志 卷一 四

長豐村一千六百二十六畝共得水七釐二毫一絲一忽放二十一時六刻止

石家湫溉由化鄉北幹村六百四十二畝

長興村一千六百二十六畝

安射村一千六百三十六畝

澇湖三千四百三十畝

去虎村一千九百八十三畝共得水四釐三毫四絲五忽放一十九時止

划船港溉夏孝鄉寺庄村一千五百一十六畝得水一釐三

絲二忽放三時一刻止

亭子頭溉新義前峽村二千三百五十六畝一角三十步得

水一釐六毫四忽放四時九刻止

許賢澤溉許賢鄉羅村六千三百三十七畝三角二十步

荷村三千三十七畝二步

朱村三千四百六畝一角八步共得水八釐七毫三忽放二

十六時一刻止

第四放童家湫溉崇化鄉黃村七千一十畝

百步村二千八百五十四畝

徐潭村八百三十一畝

來蘇鄉孔湖村三千八百二十畝共得水九釐八毫八絲四

忽放二十九時六刻止

蕭山湘湖志 卷一

五

第五放鳳林穴溉新義莫浦村三千八百畝

前豪村三千八百二十九畝

何由村七千二百四十一畝

穴村五千一百七十三畝共得水一分三釐六毫四絲九忽

放四十時九刻止

橫塘溉夏孝鄉斜橋村一千七百五十五畝

杜湖村六百五十五畝

范巷村二千二十畝一角共得水四釐五毫一絲三忽放十

三時五刻止

石巖斗門溉崇化鄉史村三千三十三畝

徐潭村八百三十一畝

社壇村一千三百一十七畝二角

趙村二千二百五十三畝

陳村三千八十畝二角

昭名鄉龔墅村三千四百一十三畝五十步

縣南村七十六畝二角

社頭村一千五十四畝二十步

南江村三千一百六十四畝二角十一步

由化鄉五里村七千七百一畝一角四十步

趙士村一千四百六畝二角

寶浦村二千一百二十九畝共得水一分五釐三毫三絲一

忽放四十二時止

蕭山湘湖志 卷一

六

第六放黃家澤溉崇化鄉趙村二千二百五十三畝

史村三千三十三畝

徐潭村八百三十一畝

社壇村一千三百一十七畝二角

陳村三千八十畝二角

昭名鄉龔墅村三千四百一十二畝二角 前第五放內作五
十步此作二角疑

誤有

社壇村一千五十七畝二角 此與前社壇
村田數不同

縣南村七十六畝二角

由化鄉五里村一千九百六十畝二角四十步 此與第五放
內田數不同

寶浦村二千一百二十九畝

趙士村一千四百六十畝二角一十步此與第五畝內田共
得水一分五釐三毫三絲一忽放四十六時止

淳熙十一年歲次甲辰十月乙亥十又二日庚午承事郎知縣

主管勸農公務兼兵馬監押錢塘顧冲重定

嘉定年畫定湖沿以金線爲界

寧宗嘉定六年癸酉郭淵明一作源字潛亮來爲邑宰見湖民有

私蝕水涘倚嵩而築者遣里老勘明還報里老與民各爭界不決

淵明踟躕間有子甫十五進曰此易辨也黃者山土青黎者湖土

也次日至湖跑視之果然于是大起疏濬且立爲令凡湖東西兩

沿以金線爲界金線者謂界黃于青若線紛然自山麓黃盡處皆

湖身也其後有畚黃土于水涘而築宮其上者土未跑而黃見居

蕭山湘湖志 卷一 七

民首者不得白其子曰再跑之未幾果青見遂拆宮還官治罪充

軍

宋時兩議罷湖不許

宣和改元豪民卽有請罷湖復爲田者下本縣會議時梅雨初過

湖岸淫溢守者皆撤防待涸而議不畫一旦議罷者少議築者多

主客不敵遂遲久未決入夏頓晴而運河水淺民甚虞之值鄉官

有主議罷者被召入汴里老十人詣其家跪請勿罷會縣令送者

亦在坐助里老言各各嗟問里老請視今年旱澇果須澆與否以

定行止旱則留之否則聽罷之可耳許之是年適大旱秋後河涸

賴湖水救濟得不飢於是議罷不許時民謠曰民有天湖不田脫

未信視此年

孝宗乾道二年湖民徐彥明私獻湖與恩平郡王璩使請爲田而

招討使李顯忠亦謀據之爲外墅又大節使周仁贍乞佃種若干

畝彼此紛紛諸論併發時縣丞趙善濟以他事渡江入朝詣朝堂

有論及佃湖事者善濟力爭之侍郎單君一作中直善濟爲

之具奏會史丞相浩知紹興府善濟至府又極言其利害于浩浩

悟爲榜禁之得免

宋時清佔清穴

淳熙九年錢唐顧冲來宰邑甫下車卽備訊湘湖利弊以防旱

先是七年大旱八年復大水民多流移至是年又旱冲乃取趙丞

則水之法使之均平而衆尙未愜以其法多湮失且隱佔者衆也

冲乃先去其隱佔者十年六月十四日鄉民王四四論李百七等

蕭山湘湖志 卷一 八

六人佔湖爲田而王四一者四四兄也行遇褚百六于途百六與

李百七等皆佔田者因詛四一曰何爲使四四論種湖田攔而詛

之握石斫其頭頭血押之往張提舉家而汪琚等十一人列狀論

王七盜種牛坊塢田甚夥難以枚計及追到王七則七供牛坊塢

田湖田也七安敢種哉張提舉僱七插秧耳顧亦不得知畝步

坵片多少冲乃直揭張提舉而追到褚百六等各杖百斷罪其他

汪寧趙七等或占爲田或占養魚或占種荷或暗置私穴盜水以

溉已田重卽解府斷罪追償輕卽就縣行遣湖爲之清

時冲遍擴蕭山水利自湘湖外請開落星湖梓湖以及白馬湖詹

家湖瓜瀝湖二堰暨鄭河口水利無不興復而鄭河口爲湖北水

穴要衝自西興開至錢清堰計四十五里中有運河河之南卽湖

也河之北為由化夏孝二鄉之地每放湖時先于運河兩頭壩之

而决望湖橋下湖防以灌之運河然後開鄭家河口防毛西河云

之鄭家則然不知所在或疑即盛家港鄭盛字晉之誤以縣志望湖橋西有盛家橋可據也然究與放水蓄穴俱不甚合灌之

二鄉望湖橋者水之所自出鄭河口者水之所自入也緣鄭河口

防在張提舉住宅之前斷以貯船日船坊以植河日河池湖水不

通者二十餘年淳熙十一年九月冲已揭提舉被旨發鑿白馬諸

湖而居民賈珍等復狀論鄭河口防被張提舉佔于河口立棧

壘石起造船屋捺築強壩兼蓄荷菱不容放水將何灌溉伏乞委

官毀拆少蘇湖患會是月勾提舉掘湖到縣親詣鄭河口詢問所

在時冲已預集民夫五十人伺于河左甫詢問即手揮民夫各

挾畚而立時毀拆以復舊蹟

蕭山湘湖志 卷一

元時治湖清佔

至正八年於善由杭州推官改任縣尹到任後大興水利時山賊

四起飢民多乘間竊發田畝荒蕪湖俱蕪塞之水善以官帑發

飢民疏濬兼捍築西江諸塘民受利焉前此監縣亦馬丁見湖涸

不濬有廢湖之請賴縣尹崔嘉訥爭之得已然湖民亦漸有侵佔

者至是盡還官開治

明時清佔

洪武末縣民蘇原九因所佃官田坍入江內朦朧告官將上湘湖

近江湖田若干畝開墾為田以補所坍之數每畝仍作官田例秋

糧五斗七升起科輸官甚妨水利至永樂初縣民韓望等照例亦

開湖若干畝為田初欲照民田起科後被鄰人張嗣宗告發雖禁

止將來而已佃勿奪但以此田係湖中地即官田也亦照官田五

斗七升起科此後仍多私田其高阜隙地開墾不計景泰四年老

人張昇鄭珪舉呈本縣委縣丞李孟惇將開墾人蘇原九韓望張

伏羲等所開田畝盡行清出且計畝罰穀共得千六百餘石入官

為賑濟之用其後高阜隙地悉禁栽插然湖民有漸暗佔者

初鄉官魏文靖職以邑苦旱湧具析水利每為當事論說有所防

禦暨景泰七年壬申大水自衝嚴浚發錢江高漲水反從東西小

江衝入內地時驟以尙書致仕躬負畚耒親課隸石修築麻溪西

江諸塘雖巨波震盪終不為害至天順五年大水亦然驥乃著水

利事述自捍海西江白露湘湖瓜瀝諸塘以及徐家螺山長山諸

開股堰單家曹家諸堰勸成一書而于湘湖為尤著會湖民孫氏

蕭山湘湖志 卷一

隱佔湖利與其姻家吳子信陰陽侵蝕驥乃發吳氏之佔清理還

官而孫氏終未盡復故所著事述有曰佔田未清病根尚在乃以

其書授之門人何御史舜賓曰清此湖者君也

成化以後孫全與吳讚隱佔愈夥時舜賓以湖廣道監察御史謫

成廣西緣救歸里已發佔湖事揭縣入奏會當塗鄒魯亦以御史

謫蕭山令孫全重賂魯謀反所奏御史力爭之且語多侵魯魯大

恨乃屬全暗揭御史竊署事官印假作官奏且謫成私歸無教牒

應押解原衙察治而揭上鎮巡不行遂有言御史陰具實封公文

將入奏者魯信之會御史門人教官童顯章以丁憂歸魯陷以發

塚罪論死憲司疑之駁所司覆讞道經蕭山魯屬解人押教官過

御史家尋遣里老廟捕等暗隨之呼曰御史奪重囚壞門而入劫

所具實封并赦牒轉御史入縣笞四十立爲文解慶遠術而害之
于道孝子競逃匿常熟王刑部家囑指血書壁日報警日坐複室
中不睡刑部每夜分呼曰何競必應曰唯躍而出如是者八閱月
會魯遷山西按察司僉事孝子請歸刑部曰朋友之讐視從父昆
弟吾當執兵以從爾爾能不煩吾行也餞於庭假爲圖緋假投之
得六緋遂行適魯已繳印將詣省領憑孝子先日匿族父何寧家
假寧命召親黨飲酒半寧泣曰魯行矣御史恨未泄奈何衆皆
泣既而寧舉觴曰假競在必有以報之今何在耶衆又泣及醉寧
起曰事迫矣競在能從之乎皆曰能孝子出跪曰競在焉遂于次
日率衆伏道傍皆白衣手杖伺轎過掀擊之杖一齊下呼號震天
地曬其日剔其鬚髮母與族父前後赴闕訟冤命下雜治奈何殿

蕭山湘湖志

卷一

十一

長官曰印不在手奈何殿五品以上官曰憑不在手乃以報讐例
辟魯而成孝子并究佔湖事擬全以辟清出佔田千三百二十七
畝堰池九十六口地二十六片瓦窰房屋二百十間盡還官委本
府經歷到縣追理并設耆民等八名專一譏攝命知縣楊鐸勒石
曰勿侵勿佃勿蝕水涖勿倚圩依崑緣隄截匯而以漁以草以栽
以蓄犯則重者死輕者發遼東充軍

正德十四年縣民徐學告孫肇五等復佔湖栽蓄鄉宦工部尙書
張嶺按察司僉事富珙請之御史中丞許庭光委分巡副使丁沂
勘復示禁

明時造橋建閣

嘉靖年間中書舍人孫學思造跨湖橋於湖中以通孫吳兩姓往

來其時九鄉父老鑒何御史父子之禍不敢多言且以此隄當上
湖與下湖之中駕言上湖洩水在南下湖洩水在北而橋爲界限
不甚爲害遂聽之

崇禎年間邑人蔡三樂捐資建築湫口閣

清康熙時修塘

康熙九年邑令鄒勳興修橫築塘易土以石

清康熙時嚴禁築隄盜水

康熙二十八年湖民孫凱臣乘歲旱湘湖乾涸築隄架橋自西岸
山足芝一作朱湖嶺邊東至柴嶺橫跨湖面約三里許駕捏僧人
萃弘名色以便商旅往來爲稱豪家勢族多袒孫莫敢抗議鄉官
翰林院檢討毛奇齡具揭云蕭山本澤國而地境易涸因築湘湖

蕭山湘湖志

卷一

十二

以溉九鄉之田無如湖豪孫姓者聚族而居世爲湖患在昔元明
之間孫吳二氏佔湖爲田而永樂間清之隨有孫全者復行侵佔
魏文靖公以尙書致仕親爲恢復越至弘治間孫全吳瓚兩家對
湖爲婚姻共起填湖爲陶窰之基文靖門人湖廣道御史何公挺
身爭理致孫吳兩姓以賄殺御史于路其孝子何競爲父復讐始
奏聞朝廷置孫全辟刑清出佔田若干坵地若干畝瓦窰房屋無
算敕知縣楊鐸爲之勒石此事載弘治十九年孝宗實錄并府縣
志書甚詳然猶怙惡不悛又有孫肇五等于正德年間復爲築隄
賴何御史門人張尙書嶺再爲擴清然後得復如初是一孫姓之
豪佔而歷成化弘治正德三朝之訟經魏張吏工二尙書暨御史
父子以及門生三世死生報復之力始得稍清然猶御史父子飲

恨至今其爲害如此及嘉靖年間孫姓有爲中書者忽造跨湖橋于湖中以通孫吳二姓往來彼時鄉宦懲御史之禍不敢出言且以此堤當上湖與下湖之中駕言上湖洩水在南下湖洩水在北而橋爲界限不甚爲害一時聽之實則上湖以洩土陶甃湖窪而浸下湖以葑草壅塞湖淺而碯而橋復爲之阻之故至今湫口之水不及石巖九鄉不均未嘗不痛恨于孫氏爲橋之爲害也今孫氏以洩湖之利合族巨富而人丁又衆圍水築塘種荷養魚甚且爲陶甃爲佛舍漸漸興佔向時令甲凡湖中之土以黃線爲界而今則爲黃爲青不可復問此正當籲告伸理大爲清復之際而土豪怙惡反築隄而橫截之則橫甚矣所賴當事嚴敕正法而奸詭百出以二姓之族而駕爲九鄉以孫氏所造之橋而詐稱先賢以

蕭山湘湖志

卷一

十三

兩家相通之路而指爲通衢以姻婭賈賂并墳墓風水之豪黨而妄名公舉之衆可怪尤甚第九鄉百姓初無公詞祇澇湖一鄉蔣陳二姓先爲具控者以則水有寸不可有絲毫阻隔大凡竹簿截水則每一竹簿阻水三寸土坊截水則每一土坊阻水九寸澇湖最碯去水九寸則此鄉絕水沾溉不及故切膚之呼較他鄉爲獨先也乃不意屢發公議而隄不散帖里不知會陰陽不到門鄉官不集議謬以已成不毀之詞諄諄以覆無論此隄之成爲禍不淺而卽此行事詭秘神奸百出萬一稍遂其意則前此跨湖橋之築祇屬孫姓猶且駕出多人東支西飾况儼奉批行則自此以後公然官築矣將見種荷蓄魚之外或圍或佃爲房爲畝誰得禁之至于勢成則雖兩尙書之挽回御史父子之身殉甯有效耶况孫吳

二姓外實有不肖黨惡爲風水賈賂起見者近聞石巖定山結黨窺伺陰具春鋪以機乘隙其存毀之際關係匪淺倘能澈底澄清去惡務本極爲長便卽不然而毀其新築加以以應得之罪則小創大懲亦足補救如果爲輕縱茅靡波委養難醜邑雖乏賢哲焉可謂魏何之後必無其人因于補議之餘并爲此揭又補議云據湖民孫凱臣築隄截湖蒙發公議爾時某在會城原不曾與然漸查東城舊宅亦並無陰陽生到門夫以湖之利害關係重大鄉官先賢歷任恢復豈有身列薦紳實生其地而漠然不相聞者然且奸邪衆多捏造公呈其爲黑白尤宜早辨此所以扶病捉筆急爲補議者也按此隄之築實有四害有五不可何謂四害按湘湖之水通管九鄉田一十四萬六千八百六十八畝每畝止得水六

蕭山湘湖志

卷一

十四

絲八忽一杪水面多寡所爭在毫釐之間故凡放水時卽湖外之竹笥土埂皆令撤去以爲截一笥則阻水三寸截一埂則阻水九寸今公然截湖而截之則九寸之水勢必加倍其害一也湖之有跨湖橋也初以爲湖有上下上湖南洩下湖北洩橋邊當分界之間似乎無患然而築橋之後父老痛恨切齒至今尙有湖隄長害九鄉之謠蓋一湖雖分上下而上湖爲孫氏洩土壩填其水深下湖爲葑莖年遠壅積其水淺以淺身倒注之水而又橫隄以截之則下湖之水咽而難洩况隄之又隄是一埂之阻將不止九寸而下湖水常少上湖水常多其害二也放水則例惟恐偏枯舊制下湖之水分爲數等如第三放東斗門澆昭名由化等鄉得水七釐二毫一絲一忽放二十一時六刻止第二放金二穴澆夏孝寺莊

等村得水一釐三毫二忽放三時一刻止夫開放之時如此其促而出隄之水如此其緩則不特下湖上湖水有多寡而卽下湖之中其時刻多者尙可望隄內之水紆徐而下若三時一刻而卽行開止則水未出隄而湖口之防已閉矣將見得利之田竟成虛受其害三也且水流則葑草不生前此下湖之葑以跨湖一截致之今又加一截則葑蓄不行葑與土膠而孫氏復取埴于湖如淘漚然淘漚右涵則葑土左露葑汗所止既鮮滌洄而奔注不能卽反生輻轉又况秋前堆草秋後放水孫吳二姓皆互立竹簽以爲界限彼此盤沔使其闕處不得竟泄遲久不疏遂成平地其害四也且夫孫吳之爲害也自明初以來歷歷可指在洪宣時有吳子信之害在成弘時有孫全吳瓚之害在正嘉時有孫肇五之害今其

蕭山湘湖志

卷一

十五

族富其丁繁沿湖而居易爲侵蝕稍一疎縱奸占百出不可者一舊制湖址以金線爲界一交青土皆爲湖身而今則孫氏竟住于青土之中豢魚畜鳧種荷採菱已非一所稍欠者無倚傍耳一有隄可倚則以漁以佃漸次成勢不可者二且惡不可長也此湖利弊自嘉靖以後平安至今亂法一形將釀大患據水利報文已稱石巖諸處竟有效尤相繼起者此變亂之兆不可者三况湖豪奸宄不測而又加以勢家大族有風水于湖中者爲指使而陽竟助之如駕爲公呈之楊氏蔡氏皆風水家者湖中兩山無非墳墓此端一開將東圍西錘無贖地矣不可者四况中尊至公現在清理而郡尊甫蒞已有賢名在人此真東南幸逢之一會豈可使賢守賢令相際之時而舊章之變自今日始不可者五具此四害五

不可其宜存宜廢宜築宜毀當事者必有能辨之者

康熙二十八年八月十六日水利衙報文節略爲報鳴事查得湘湖蓄水以救九鄉大旱先賢創制其例甚嚴自金線以外分毫毋許侵佔今據王吉報稱孫茂洲等于湖中築造塘路卑職復往查驗果有湖裡孫起至窩裡吳止約百十餘丈查石巖鄉亦于湖中築塘不知何處止該總金太汪相俱不稟報但湘湖原爲蓄水而創並非便民行走而設築一隄則少一尺之水若任其築塘行走恐將來湘湖盡皆耕種侵佔不可底止矣事關水利擬合報明爲此備由

紹興府發縣憲票節略九月十六日據蕭山縣具申詳僧人萃弘居民孫凱臣等擅于湘湖私築隄壩有害九鄉等由詳府查湘湖

蕭山湘湖志

卷一

十六

蓄水九鄉攸賴前人設有成效何物豪強輒敢毀制築隄大千法紀合行嚴飭爲此仰縣官吏查照卽將爲首諸人枷號湖濱勒令拆毀以復舊制隄平之日該縣勘明各重責三十板仍勒石永禁取驗遵依送府存查無違

本縣第三申府詳文節略查得湘湖擅築行隄已經奉憲將爲首之人枷責在案今憲駕省回復有楊升等具詞蒙批查議遵卽傳請紳衿里遞查議去後而屆期無一至者止據楊升蔡天生等具詞各有私見卑職復又單騎細細查勘實非行旅大路兩岸皆山湖傍居民東係窩裡吳西係湖裡孫二族所居且有某官一坎在隄之畔隄之所便者止孫姓一族入城之道而吳姓亦便于往還且將水一阻或所謂風水有便于吳孫者故築隄之心堅而且易

今赴憲求免者大約皆二族之人不則其黨與也今精神從不赴議而翰林院檢討今在籍鄉官毛自爲揭子并檢舉補議有四害五不可極其詳析卑職據看湘湖尺寸之地不許侵佔恐礙于蓄水耳今所築長廣如是既非衝衝必需似難以二姓之私意爲準也至于古人亦曾增築橋隄自必酌量妥確假使此處應築則早已築之矣况跨湖橋一隄又與新隄相去咫尺者乎且築一隄少蓄一隄之水漸不可長所以前詳若此者恐素舊制也至于爲倡之孫凱臣原係舊役刑書素爲不法所當懲究因確據鄉官揭子并補議一併申明爲此具由

本府申請藩臬二司覆文看語節略看得湘湖蓄水溉田毋許變制去秋水涸居民孫凱臣等私築塘隄總甲具報典史詳縣轉詳

蕭山湘湖志

卷一

十七

到府當即批令妥議詳覆據詳前來又經鄉官確議委係蓄水溉田不許築隄變制批令枷責剷消在案而違抗延推致九鄉陳視遠等有變制壞法之詞呈縣籲求通詳奉憲批府律擬妥議照復舊制詳覆去後據縣詳稱九鄉百姓各執耒耜同職親詣塘所拔去橋椿削隄大半卽有未盡塘基自當水衝以復舊制將孫凱臣等各行重責援例免擬并請勒石永禁詳報前來相應轉請批示勒石永禁至于凱臣等始而違制築隄既而抗官藐法雖經該縣責懲不足蔽辜應否俟詳允日重責三十板再行枷示一月以儆康熙五十八年五月大旱沿湖居民金士三十四等浼武舉孔沈詩監生孔成九武生韓伯英等賄囑典史馮愷經偷放石巖穴等處湖水經生員王協卜吳弘業王麟書富啓英王渭略洪琛毛佳

端楊復元張應庚徐夢鼎等呈縣呈稱蕭邑湘湖劫自宋邑令龜山楊文靖公三時蓄水秋旱溉田利及九鄉澤流萬世查得利田一十四萬六千八百六十八畝有奇每畝合得水六絲八忽一秒放水一十八穴分爲六等柳塘先開黃家壘最後或放一時三刻或放四十六時或得水四毫四絲或得水一分五釐不等順次而開過時卽塞均平公溥至悉至精其原田三萬六千餘畝該糧一千石零七升五合派之得利田每畝七合五勺謂之均包湖米其塘壩穴口九鄉坐地修築並不輪派通縣則是湘湖乃九鄉衣食之原亦九鄉性命之本利則九鄉獨沾責亦九鄉獨任防護最嚴偏枯卽競故先時而開有罰過時不塞有罰沿湖車戽有罰私開壘洞有罰所謂揭防斷臂實水斷趾者此也揭防謂先開實水謂

蕭山湘湖志

卷一

十八

私穴碑版誌書班班可考水利衙門任其責而縣主考其成功歷代遵循豈容顛越今歲旱魃爲虐山川盡滌所賴湖水滿盈足甦枯槁乃現在放湖十不徧一低鄉猶有一杯高鄉竟無半勺萬姓徬徨呼天莫應揆厥所由其弊有在定例出水之穴數數時隨放隨止外壩一開內壩卽塞一蓄雪水二蓄春水三蓄梅水不患少水只患塘低詎塘長盡胥營私賣法當塞不塞以規厚利先時不蓄臨時何來其弊一也湘湖皆屬官地而取土捕魚不禁乃窳戶利其乾涸便於挖掘漁戶乘其水淺便於絕流賄囑塘夫撓通衙憲吏不簽催官不勘驗甚則偷開穴口張網設筍毫無顧忌而窳戶之運磚過瓦更得順流直下省費省工棍蠹既有陋規見亦不問日復一日源盡水窮其弊二也幸今春東水逆流少收涓滴

若能嚴防偷泄或可什存二三乃沿湖一帶奸民恣意車戽甚且
遍放私濫晝夜不絕夫沿湖之田雖屬得利然既分數定時則一
毫一忽不得私沾一刻一時不容先得減湖水之分釐即缺九鄉
之抄撮而納賄開濫通同作弊則指官官則底吏上下比蒙一
帆穿就試思一滴一珠民膏民血而逞其鯨吞略無剩汁其弊三
也夫湘湖之地非有所減九鄉之田非有所增昔何以盈今何以
涸昔能波及各村今并不周得分况湖地比昔加深鄉田比昔加
少湖深於取土燒窰田少於造墳墜屋以加深之水溉加少之田
宜更有餘而反不足咎將誰諉今田禾不救無望西成民食垂絕
而又派之納湖耗築湖塘輸德惠祠地糧造各村坊堰壩是九鄉
之民不受湖利獨受湖累師臺甫及下車未遑清問水利衙久司

蕭山湘湖志 卷一

十九

其職而視湘湖為利藪等九鄉如兒戲徇私殃民莫此為甚伏乞
嚴查壞法因由不築不修私車私穴或賄或情是官是蠹通詳各
憲台照盜佔湖田例發邊遠充軍塘長吏胥一體同罪若夫徇庇
受賊婪贓溺職國典煌煌則非書生之所敢議也云云七月本縣
委縣丞賈克昌會同紳士勘驗得私濫水溝共三十三處

黃家窪界內私濫三在石巖山邊又一假名黃家窪

石巖陡門界內私濫一在史家河上又一土名張家窪水溝二

各深三尺

童家湫界內私濫一假名童家湫又一土名坑金山穴又四土

名橫塘穴又一在陳家河假名上黃河窪又一在陳家河上

假名黃家窪又一在陳家河上假名黃家窪又二又一土名

下窪又一土名上窪又一在潘家濱上水溝三深五尺或三
尺

鳳林穴界內私濫一

亭子頭許賢窪楊岐穴界內私濫一在沙關嘴旁

歷山南河墅堰歷山北柳塘穴石湫口界內私濫三

東陡門界內私濫一

划船港金二穴周婆湫界內私濫一

橫塘穴界內私濫一此外沿湖車水基址共四十餘處

又生員來竹王協卜吳弘業王渭賂蔣樞洪琛來斯文王麟書張

應甲來日聖富啓英陸巡等控馮愷經將陳家河開穴罄洩鳳林

穴草率補塞楊冀穴潑賄先開呈稱湘湖水利均及九鄉蓄洩限

蕭山湘湖志 卷一

二十

時釐毫定則共水穴一十八處自宋迄今並無增減移易舊制穴
式各闊五尺各深三尺兩旁墜石底亦如之彼此無異至於先開
私放罰例最嚴誌載甚悉詎水利衙踞作利藪串役婪贓烹肥賣
法及至放湖水泉盡涸田禾枯槁痛甚剝膚生等具控蒙委糧衙
勘驗會同紳衿沿湖遍歷窪洞水溝鱗次相續晝夜不休或假公
掩私或移彼就此一穴三呼一窩四見情弊顯然衆目難掩更有
甚者陳家河地勢最低塘工最險大開一穴罄洩官河私築外隄
詭稱公穴私濫之中為禍最大至鳳林穴今年五月草率補塞楊
冀穴又於今年五月潑賄先開不惟私者干冒禁罰即公者亦變
壞成規竊思揭防寶水向有明條私開私放必有主使民不賄盡
不敢私行衙不受贓豈肯故縱伏乞嚴提水利衙承胥役并該

管塘長總甲逐一嚴訊賊私按律通詳以昭國典以救民生庶水利得全後來知警

又紳士何錫田來銑毛鈞孫士榮來竹吳弘猷王協卜洪琛蔣樞王麟書等控孔茂賢等饋送馮尉錢七千二百文於廿九日擅將楊冀穴偷放一晝夜呈稱湘湖之水原以溉九鄉之田禾非以飽一家之谿壑今馮尉賄洩殆盡而狡辯不休彼謂賊證未明或可掩飾耳卽據楊冀一穴溉新義鄉前後夾村爲田不下三千餘畝詎孔茂賢孔一隆孔德計畝斂錢七千二百文於本年五月廿八日同孔九成孔沈詩韓伯英陳瓊等饋送馮尉其衙胥單升塘長華瑞各有分規總甲孔學交相賄庇卽於廿九日擅將楊冀穴偷放一晝夜此在新義鄉老幼士民萬口如一賊證明確舉一可例

蕭山湘湖志

卷一

二十一

此天臺明鑿而鈞批鑿鑿者也夫官穴如此何況私壘暫開如此何況久洩按畝計賦其數不億按律究擬與受同科伏祈併賜詳揭逐一拘提對質則馮尉之喙可息而田等亦非捏詞誣陷者矣本縣據呈詳揭督撫發兩司會核愷經褫革餘杖責如律仍勒石永禁毋許私開改令縣丞專司其事縣詳稱看得王協卜等控水利典史馮愷經賄洩湘湖一案查湘湖蓄水澤及九鄉共有官穴一十八處載誌邑乘修築塘隄係典史專司每至立秋後三日各霽洞次第開洩不容紊越奈今夏天道亢陽田禾缺水沿湖居民違禁私開而馮尉失于覺察致紳士王協卜等有叛例徇私等詞之控隨據勘明私開霽洞水溝共三十二處立飭堵塞修築當經通報在案奉憲飭詳解遵卽訊據來竹等各供馮愷經除懈弛職

守失察衙役犯賊及收受楊梅一擔鴨一隻輕罪不議外得受孔九成等所送銀壹兩貳錢合依官吏人等非因事而受財坐贓致罪折半科斷一兩以下笞三十係貪官不准折贖永不叙用單升奉差查塘私受錢二百四十文又係過付塘長華瑞得受七折錢五百文合依枉法贓一兩以下杖七十係無緣人減一等各杖六十折贖六十板並革去塘長名目總甲沈茂得五十文杖責革總孔茂賢孔德宜非因公務科斂人財物若饋送人者雖不入己計贓以不枉法論各主者折半科斷一兩至十兩杖七十折贖二十五板各贓照追入官違禁偷放石巖穴等處之金土三十四等因天亢旱衆姓紛紛救苗情殷應邀免議武舉孔沈詩監生孔九成武生韓伯英係馮尉供稱進衙說事之人應照新例與受賄人同

蕭山湘湖志

卷一

二十二

科但俱特護符並未承認除將典史馮愷經職揭孔沈詩中式科分孔九成捐納事例韓伯英入學年分一併開送應否分別咨題黜革伏候憲裁府詳稱蕭邑湘湖之水灌溉九鄉田畝設有溝壘立秋三日始行開洩水利有籍可稽然亦止就雨暘時而言非可槩論於焦原赤壤之候也康熙五十八年四月以後雨澤愆期湖堤以外田成龜坼耕種之家車戽無自是以偷放諸壘莫可禁遏五月二十日該邑典史馮愷經查覆塘長孫茂雲開放柳塘解縣枷責而孔九成等以救禾情殷交相請託乃愷經始則姑息繼則曲徇爲紳矜王協卜等於七月初一初五二十一等日羣起詰告筆陣相尋該縣委縣丞勘明通詳奉批查審行該縣元令擬解前來卑府遂加細鞠據孔九成等有贖錢修塘之費餘錢付衙差

單升之供卽單升亦經自認不諱據塘長華瑞等會云並無其事卽在縣三木賊訊亦復矢口不承惟馮愷經供有當日縣審慘見百姓受刑曾認得銀一兩二錢之語查職員受賄例有處分雖過賊無人而親供可據殊難爲之寬議也但蕭民素稱健訟若華瑞等果有餽送典史別情三木之下豈甘隱忍卑府職司守郡該典史任蕭數載不聞其有劣蹟今以自認無多之賊遽罹嚴咎殊屬可憫可否請記大過一次免其咨革出自憲仁卑府未敢擅議再查湘湖舊設水壘一十八處今據該縣勘詳至五十洞之多其開自何人始於何年難以窮究相應將邑乘所載仍留啓閉其餘悉加堵塞永杜爭端至典史有巡私捕盜之任嗣後湘湖水利請委縣丞專司責成典史不得干預再水壘之設原以利民遇有大旱

蕭山湘湖志

卷一

二十三

之年若拘定秋後始放是何異啼飢于室而扃固倉箱乎應令邑民稟縣詳請或控憲委員查驗因時救濟更爲德便至生員韓翔鳳陳璵等係爲首出錢之人忽而附和原告且曲爲支飾殊屬反覆奸險應與斂錢之孔九成韓伯英發學戒飭但念係公事起見并請一視同仁均免深求其塘長華瑞等卑府審訊時已經薄責並邀恩免所斂之錢于各名下照追入官公用司詳稱本司會看得蕭邑湘湖蓄水利及九鄉自宋迄今設有水穴一十八處灌田一十四萬六千八百六十餘畝誌載立秋後三日始自柳塘終及黃靈次第開塞責成該邑典史管理毋許紊越九鄉田主數千餘戶水利均沾十八洞之外原不容別有徑竇也乃典史馮愷經任挖私壘非時放水以致紳士王協卜等有叛例徇私等事先後控

縣元令隨委糧衙協同紳士勘驗湘湖啓閉官穴一十八洞又添私洞水溝三十二處共五十處等情覆縣復據矜監來竹等以違勘顯然等事開明五十處官私壘洞具呈在縣而紳矜何錫田等以賄洩之賊證確然等事呈孔茂賢等科斂等情據該縣通報奉憲批司飭提通賄犯證確密咨斥究擬等因遵行紹府轉飭蕭邑訊詳去後茲據元令詳稱庭訊典史馮愷經據供自認縱役私開楊寬穴受銀一兩二錢衙差單升得錢二百四十文又係過付塘長華瑞總甲沈茂等俱各分錢武舉孔沈詩監生孔九成武生韓伯英等進衙說事擬以咨斥管杖解府該府覆訊以孔九成醜錢爲修塘之費餘錢四百文爲單升所得塘長華瑞等則矢口不承而典史馮愷經又供因見百姓受刑曾認得銀一兩二錢之語請

蕭山湘湖志

卷一

二十四

記大過一次其餘請邀寬免前來二本司查得縣尉雖係微員而官箴豈容有玷今馮愷經端管湖田水利乃于水洞一十八處之外任憑私挖至三十二處之多則平日之請託臨事之受賂皆非無因據供康熙五十三四年間來姓等私開湖塘詳縣枷責歷歷有案信如斯語是其責守何至士民羣起而攻視之若讐即使從寬亦難覩顏供職况自認得銀一兩二錢初供鑿鑿應請憲臺批奪俯容另具簡詳咨斥至單升華瑞沈茂等供認得錢及過付情形歷歷如繪府審異同亦屬矯飾姑寬免擬各與杖革各職於各名下照追入官生員韓翔鳳陳璵爲首出錢孔九成韓伯英等因事科斂均屬不應相應發學戒飭再該府以蕭邑典史有捕盜之責請以湘湖水利委任縣丞是管糧之員而司藤田之水似爲尤

docsriver 文川网
入驻商家 古籍书城

在文川网搜索古籍书城 获取更多电子书

當其湘湖水利誌載一十八洞此外私壘盡行堵塞毋許私開勒石永禁再據該府詳以水壘之設遇有旱年請因時救濟之語但查湘湖創始自宋代邑令龜山楊文靖公相傳至今奉爲法守先賢豈不知因時救濟之法惟恐蓄水有限若早爲開放則立秋急於需水之時必有不足之憂應令該縣會同紳士從公酌議妥確另文詳奪

時兩司以府詳有水壘之設遇有旱年請因時救濟之語發議邑人張文瑞議止之議曰竊以法有不便于人者宜變其法以從時人有不遵夫法者宜黜其人以復古凡事盡然去年湘湖之旱乃人之無良非法之不善也府詳乃有逢大旱之年許令因時救濟不必拘定秋後始放之例大駭物聽凡言農事者僉曰天時地利

蕭山湘湖志

卷一

二十五

若如府詳俱不相當蓋土雖寄旺四季各十八日而六月謂之長夏專司溼土之令月令曰土潤溽暑言雖旱乾終帶潤澤苗即枯槁亦能蘇醒一逢秋雨勃然而興其收反倍至于秋則燥金用事禾苗不可缺水故諺曰田怕秋來旱古制限于秋後三日放湖者此也今若變之則山淺水少一放而乾萬一秋雨不時後將何救非所謂因天之時也地有高低則需水有緩急古制限定一十八處放水有先後止水限時刻得水分毫釐取其均平不偏也今欲變之則富豪強梗之鄉得水嘗有餘貧難狹小之鄉得水嘗不足爭鬪紛然獄訟必起官府雖有均平之心安能家諭而戶曉也唯夫溫台衢處諸府多種占城早稻夏末秋初便可收割此法施之彼處頗亦相宜若蕭邑傍湖之田皆植晚禾直至霜降之後方是

收成之期自立秋至冬初尙有百日不可脫水倘湖無涓滴之留後何所恃非所謂分地之利也且湖本爲大旱而設若風調雨順之年諸方自有滙源支流足以灌漑亦復何藉于湖况人之趨利若水之趨下也嚴禁設防以約束之猶不可遏而可縱之使橫流乎更有請者一則私壘宜絕也淮南子曰溜水可以溢壘楹江河不能實漏卮去年糧衙按行湖塘搜出私壘三十餘穴比正穴幾倍則湖水必無盈滿之日今雖堵塞不過苟且了事掩一時之耳目塞之既易開之亦不難欲絕其弊須行臥羊坡之法查取開壘之家免其罪責於放湖之後水落土見督其取土附於塘脚作斜坡之勢則塘脚高厚開壘頗費工力即開亦易得敗露將不絕而自止可以百年無患此魏文靖公修塘舊制也一則斗門宜建也

蕭山湘湖志

卷一

二十六

大旱之年民爭水如珠最苦不均故制用石作斗門闊五尺以石爲底去水面三尺上爲橋或木或石以通行人以爲放水之節度若以泥爲堰塌易于坍塌去水無限矣但以一座約計費銀二十兩一十八穴約費三百六十兩此費從何而出合無積罰錢以成之亦可無百年患此宋令顧公冲立石舊制也此二條初行不無稍擾要在調劑得宜耳一則界址宜清也傍湖居民易於侵佔得尺則尺得寸則寸分計之則無多總計之則十百不止也古制以金線青黃爲界黃土者山也是私產青土者湖也是官地截然分明而奸民有以實青泥而上冒以黃土種樹植蔬者矣此雖不可盡清亦須去其太甚又山脚必有彎均之處而行路之人便於徑捷往往築短隄爲路其內實官湖也必爲小橋以通水方可否

則山上下漸成平陸居民占爲私產矣此亦當去其太甚者也
一則請佃宜核也奸頑之民往往借坍江之名請佃湖中退灘地
墾田起科以補其缺誑惑有司一或不察羣起效尤不可究詰勝
國時自首占田幾半何御史以清理忤令隕命何孝子以奏聞改
正垂名今湖中汙萊之地任從荒棄而不以予民者其端不可開
也曠日遲久安知無逞其故智所當痛懲而嚴絕也此二條人人
皆知犯者亦少有司特不可忽爲細事而不加之意耳一則偷洩
盜決之禁宜辨也隄塘者塘夫之職掌乃有貪愚之人暗于堰下
挖穴通水夜以醫罾取魚晝以泥草塞穴行人過之而不言近鄰
知之而不發不知涓涓不絕流爲江河又非溉田徒然耗水一家
之利甚微一邑之害甚大又有傍湖居民以水滿捕魚不便晝夜

盜決隄防既不知其姓名亦莫究其蹤跡又有傍湖養牛之家利
於水淺則柴薪磚瓦重船必然雇牛拖拽因可取值每每買囑塘
夫洩水涸湖亦是壞法之一蠹宜重懲而不貸者也一則分疆畫
界之弊宜革也王制名山大川不以分水澤之利與民共之舊有
草蕩魚池俱在湖底于水無礙蕩地每畝科米三升五合池地每
畝科米五升蓋因利之所在無主則爭故設爲此法今則一望平
湖水深者不過行舟之港有何池蕩之分而豪強之家因湖草可
以墾田往往插標爲界小民必納錢方得取草傍湖居民亦以遠
近分爾我時有鬥爭夫湖本官地草又微物有工夫氣力任其取
之有何不可而據爲己有耶魏文靖公詩曰荷帶荷盤從取市尊
絲菰米任求營此廓然大公之心也設有到官宜從容開諭俾其

和息若其不悛亦不妨大懲而小戒也湖之利弊已盡於此如其
及時篤修隄防完固湖畔此在當事隨時斟酌非一時之所得議
而盡也

清乾隆時改建石閘

乾隆三十三年紹興府志作三十五年是紀其告成之年非經始之年也邑人趙虞相以土壩
易於私放擬仍改建石閘恨力有不逮勗其子鳴鸞繼志興修鳴
鸞乃於穴之尤要者如石家湫東斗門橫塘柳塘河墅堰楊岐鳳
林石巖八穴改建石閘興工於戊子八月至庚寅三月歲事計用
工料及夫匠飯食共費銀二千八百有奇知縣清泰勒碑紀其事
碑文另錄

清乾隆時清估

蕭山湘湖志 卷一 二十八
乾隆三十三年邑紳黃雲等呈請清釐湖界當清出湖裡孫上下
兩莊估戶一百有九計瓦屋三十間草舍三間審裡莊估戶五十
計瓦屋六十九間草舍六間審所兩座閩家莊估戶四計瓦屋十
九間金家莊估戶一羅家塢莊估戶八徐家塢估戶十七石巖莊
估戶十二定山莊估戶七楊家灣估戶三山前莊估戶四汪家匯
估戶二匯上莊估戶十湖頭莊估戶十二東汪莊估戶三青山
莊估戶二十一湫上莊估戶二十九居山莊估戶十六經府縣迭
次詳稟以居民搭蓋房屋並審座處所係沿湖一帶山零地角與
湖身貯水之處並無妨礙且係該地居民積祖相承不知始於何
年何代合詞籲請無庸拆毀刻復劉藩司復批飭設法永禁酌議
征租又經清安兩邑令詳准免除陞佃以杜藉口輪租效尤續估

之弊嗣欽奉諭旨自後但許居住岸上不得佔墾湖身有礙水利
三十八年三月奉到硃批八月王藩憲宜望備叙歷年委勘審斷
原委飭縣立石永禁其碑文另錄

乾隆四十八年庫書傳學明武舉曹聲煌革書吳士達革役周登
山等囑壩夫王良千韓聖如於湖心定山之北周築土塘圍長三
里許圍田千餘畝希圖霸佔經邑紳來主事起峻鄭進士應簡等
控縣勘實劃平劉邑令將吳士達周登山王良千韓聖如等分別
杖枷而爲首之傳學明託病鬼避嗣經邑紳來大夏富鳳詔來陳
珍章大呂來宗玉魏遵等歷控各憲至四十九年傳學明始杖責
發落郡守范公思敬樹碑禁止其碑文另錄

清嘉慶時兩修塘閘

嘉慶元年於紳士達王紳煦呈請借五年歲修銀一千兩大修湖
隄其時陳禹疇來崑彩王維德來杏梁倪耀宸買載堂韓秋佩韓
一峯韓象揆韓觀文施朝棟諸紳或總理銀錢或估計造冊或分
段監工興工於四月初八日至五月杪歲事塘高八尺底闊二丈
面闊一丈不數年坦水又衝激殆盡前功幾將廢棄至八年王紳
煦復呈請邑有司給發歲修錢二百五十千文糾工購料改築石
塘其法下用塊石密排作脚上用石板側豎作牆旁用厚板起槽
合橋作釘而堵中以土實之名曰倉堵式共計二百七十八丈高

厚堅固如法越一月告竣此爲有湖以來初見之工也

鳳林穴放水必築激堰天閘兩開而激堰兩底損漏每屆放湖必
須另築土壩輒爲義橋牙行所阻欲修開而不果者屢嘉慶十三
年秋築壩放湖被義橋牙行韓瑾等毀壩涉訟委員履勘又被賄
囑遽以激堰止有石橋而無閘座應仍築土壩不准修閘等情廉
稟上憲案經核准韓瑾等已立石激堰廟前是閘幾爲所廢矣嗣
十四年六月王紳煦上書阮中丞力爭修復蒙委陳觀察王通判
督縣復勘閘堦具在且橋石上激堰閘三字亦彰彰在目當嚴責
韓瑾等之非斷令擇日興工是年冬將閘底拆修完竣王紳並首
倡捐錢五十千文

清咸豐時修築隄壩

咸豐元年邑紳呈請修築隄壩糾資一百餘千文擇要興工次年復行呈請蒙邑主動支江塘餘項錢四百千文由紳董承領修築并添建史家池石壩嚴禁堆積湖草

清同治時修隄禁壑

同治初年粵寇甫平塘隄險壞殘缺不堪私佔私壑復日甚一日二年九月戴令放蒞任即履勘議修適邑紳候選訓導來鎮卿舉人來鳳郊章夏謨生員來蓉江監生來炳如等亦聯名呈請遂會同邱貳尹洪源修濬如法示禁壑佔逮四年江塘潰決沙泥灌及湖中胥吏藉修補之名虛糜公款一無實際焉

清光緒時兩修湖塘開壩

光緒六年秦家堰等塘壩坍損邑紳前署福建壽甯縣知縣來棗

蕭山湘湖志 卷二

監生於萬鍾來召模王嘉杰王立沼稟請鳳岐詞云為湖塘坍塌堆積不堪叩請親勘急切興修事竊蕭邑湘湖創自宋賢楊文靖公周圍八十餘里湖跨兩山無山處築土為塘分設開壩以司啓閉蓄水灌溉九鄉田十四萬六千八百餘畝每年在於民捐江塘費項下由縣坐支銀二百五十兩作為歲修湖塘之費而此費盡為胥吏侵蝕乾隆六十年蒙前撫憲吉訪聞歲修有名無實委員勘估借數年歲修之費併作一次大修責成紳董領辦不准假手胥吏委員惑于胥吏之言估費不及一半經紳士呈請本縣覆勘增估至一千三百千文而承辦之董事十二人每人仍賠錢百餘千文不等嘉慶元年四月修竣具結保固五年此五年中于險要處仍築坦水以護塘身保固限滿仍歸官修嘉慶八年因坦

水衝盡塘身將圯又經紳董在縣呈借歲修銀二百五十兩並經貢生高第等各捐錢二百餘千改建石塘迄今歲修之費有名無實而塘夫漁利掘塘放水賣堆湖草偷開順運以致塘身塌開日加坍塌更有沿湖奸民賄囑書役塘夫將湖水放乾霸佔湖地為田圍湖面日窄著水無多湖中之水將不能為灌溉之資湖畔之塘更不能為往來之路每遇陰雨失足淹跌者不少道光二十四年九月經紳士張百揆等呈請援照嘉慶元年成案預借數年歲修銀兩由紳董承領興修延不果行至二十九年三十年連遭大水坍塌尤甚咸豐元年經紳董呈請修築一面糾資百餘千聊補險要之區次年復行呈請蒙邑主動支江塘餘項錢四百千文由紳董承領修築并添建史家池石壩立禁堆積湖草同治四年大

蕭山湘湖志 卷二

水胥吏藉修補之名開消公項仍屬有名無實並無尺土增加逐段殘缺已不堪行路去年夏月大雨驟注秦家堰史家池塘下施施家河等處沖有漏洞數處及坍缺一二丈不等各壩開板歲久殘缺未能全堵不時洩漏職等居近湖濱情形目睹不得不稟請公祖大人即行親勘援照先年成案着實興修並求懲治私壑偷放賣堆湖草諸弊以副先賢創建之心以繼前令興修之意則九鄉幸甚恭呈湘湖考略一本伏乞電鑒謹稟奉批湘湖水利為近湖農田灌溉要區據稟前情具見留心農業深堪嘉尚所有秦家堰史家池等處坍漏情形自應趕修候約會該紳等詣勘核奪一面飭差查拿並出示嚴禁至此項捐錢歷奉府憲提解現需經費若干仍希確估另稟以便轉請憲示核辦旋蒙縣令詳稱案據卑

縣職員來業等以湘湖秦家堰等處冲漏坍缺開板不全稟請援照成案興修等情當以湘湖築塘蓄水遇旱以灌九鄉之田關係匪輕誠宜趕緊并查修費動支小塘捐錢歷經造報有案移委縣丞勘復之後即經先後具詳奉憲核准照辦現由卑職訪邀公正紳董許瑞張遠復往會勘湖塘周圍八十餘里半皆傍麓依山惟秦家堰塘下施史家河三處內外河面寬闊近隄又多深潭風浪頂衝自昔稱為險要近因年久失修剝卸坍塌不一而足其餘石巖壩等處開板亦多殘缺不全傳匠逐細確估所有坍塌陷各處一律築土加椿兩面添砌塘石殘缺開板更換修固共需工料錢四百三千二百文卑職以籌款維艱不得不力求撙節酌量核減擬以九折除零實給錢三百六十二千文惟卑職初任及回任

蕭山湘湖志

卷一

四

徵收四五兩年小塘捐錢除動支橋閘各夫工食并築塘放水等費外實存錢七十六千九百五十五文又方令代理期內徵存錢二千一百五十五文又卑職本年上半年徵錢截至現今止除坐支各款外尚存錢四十五千八百二十五文三共僅止錢一百四十二千九百七十文儘支尚不敷用而湘湖蓄水全在春末夏初過梅恐雨澤漸稀失此不修水難蓄設遇亢旱灌溉何資上年因隄坍水淺近湖田禾被旱歉收可為殷鑒萬不能因經費不敷再任墜廢不舉各紳民咸以此工為急環求趕辦現除儘支前項存錢外其不敷錢二百十九千零先由卑職設法籌墊請俟徵起塘捐歸款以全要工而免坐誤除照會該紳董等先將塘下施等隄工趕緊開辦一面移委縣丞常川赴工監修仍俟工竣另行造報外合先

具簡明清摺肅泐稟呈仰祈大人察核批示實為公便

光緒十三年丁亥四月西江塘決三口於四都水由白馬湖直灌湘湖凡塘閘均被冲坍宋令於戊子春蒞任閱卷履勘知工不可緩當委託邑紳汪君坤厚董其事如湫口橫塘河墅堰三塘塘子堰壩開坍損之處均添補石料修整完好其餘閘壩亦修築有差塘身坍塌及滲漏處所統計四百六十五丈悉培高加厚較前更固其經費由小塘捐項下支出共用制錢五百六十餘千經始於戊子秋工竣於己丑春宋令勒碑紀其事其碑文另錄

清光緒時呈請毀塘不許

橫築塘在潘西鄉黃竹山下光緒二十七年邑紳舉人黃元壽增貢韓祖昌生員韓壽椿舉人韓拜旒監生於笠雲等聯名呈請毀

蕭山湘湖志

卷一

五

塘造閘詞云竊縣南二十五里有橫築塘係前明進士黃九臯所築其塘長約五十餘步北接湖塘南接河岸塘在湘湖之外河通義橋之水至蕭城僅二十里自建此塘往來舟楫必由激堰經所前入西小江過謝恩橋至東門六十餘里惟小船可拖壩而過推造壩之意專為湖水開放而設蓋壩上之水自義橋出激堰從臨浦出大莊橋至白露塘為總匯經所前由章潘橋達南門江與壩下之水經壩上出岳大橋達南門江仍合為一則上下之水本無高下之別惟壩上各鄉每到秋時均藉湖水灌田若無此壩則湘湖開放之際激堰雖閉仍流至壩下各鄉湖水不能停蓄今請添建閘橋一座每年至立秋前三日激堰既閉此處亦閉至白露後三日激堰既開水已四通閉之無用一律開放如此則與農田無

礙於舟楫便利誠恐附近居民藉拖壩微利飾詞阻撓公叩示諭等因經邑紳職員韓錫霖監生韓履祥鄉耆韓鳳松生員韓光治等駁稱爲毀塘造閘民命農田兩受其害公叩履勸以安民業事竊職等于今正二十八日親視示諭知黃元壽等聯名請示于橫築塘創造橋閘聲稱水利農田兩便仰知其詞之誣者有二蓋此橫塘宋政和二年邑主楊文靖公建築湘湖並築此橫塘職等由宋南渡遷居于此已有此橫築塘故村以塘名而十六都三圖十九都二圖莊册亦以橫築名而黃元壽乃易橫爲黃捏爲黃九臯所築查黃九臯係前明嘉靖戊戌進士塘與九臯遠隔兩朝其誣一也又橫築塘有上河下河之別而黃元壽謂上下之水本無高下之別竊維河既分上下則水焉得無高下現時橫築塘至義橋

蕭山湘湖志

卷一

六

卽築船亦難通行而義橋至大樟橋大船儘可裝載淺深之別顯判兩塗謂舟楫可通其誣二也且其害有四既造橋閘欲通舟楫勢必開闢河道欲開河道必毀兩岸民房民將誰歸其害一也民房既毀糧無從出其害二也造橋開河損傷地脈民命攸關其害三也新義鄉地勢最高大河開深支河乾涸不特禾失灌溉而民間喫水全無其害四也有此二誣四害蒙蔽公祖強造橋閘必有爭門訟獄等事各將誰歸在公祖雖諭塘工董事黃紳中耀王紳暉昌邀集紳董會同勘明而黃元壽卽黃紳之子父爲子隱理或當然而其餘紳董無一知者不惟案外無知卽案內如黃之霖數年前往保定爲幕友今尙未歸韓祖昌韓拜旒職等近在咫尺日與接談亦皆未知又公祖告示係前年九月發出而黃元壽捺匿

至今于正月二十一日破土二十八日始交地總日懸夜收種種情迹弊實日多以數百年相安之塘而黃元壽強欲開造其有包藏禍心藉端爲己之意明矣且公祖蒞任以來民皆樂業頌聲載道今爲黃元壽蒙蔽建橋恐于小民無什一之利而有萬千之害職等居橫築塘之左右均受其害不得不瀝情上訴焚香跪叩請公祖一面速諭黃元壽中止不行一面親自履勘則地勢之有高下否舟楫之可通行否地脈之有損傷否農田之有違礙否庶幾可造不可造一目了然澈底澄清水落石出而農業可安矣職等不勝銘感之至頂德上稟旋奉聖令批云查此案前據舉人黃元壽增貢韓祖昌舉人韓拜旒廩生韓第昌生員韓壽椿監生於笠雲舉人黃之霖武舉王馬寶黃守忠聯名稟稱縣南二十里有

蕭山湘湖志

卷一

七

黃築塘係黃氏遠祖明進士黃九臯所築塘之長約五十餘步北接湖塘南接河岸塘在湘湖之外河通義橋之水按義橋至蕭城水程止二十里自建此塘舟楫往來計程須六十里請添建閘橋與淤堰之開同時啓閉農田無礙舟楫可通公叩出示曉諭以免阻撓等情具稟到縣當經前縣批飭以數百年之舊跡一旦事涉變更必須有百全之利無什一之弊方可動作應候照會塘工董事邀集城鄉各董事會同妥議稟辦未及核辦交卸本縣抵任後卽經照請會議嗣據塘董黃中耀王暉昌稟稱遵卽邀集城鄉各紳悉心妥議均稱黃築塘之建閘橋閉則利于農田開則便于舟楫一舉兩得其利繪具圖說請卽給示照辦等情稟復當查黃紳中耀王紳暉昌經辦塘工有年水利情形頗稱熟悉又據邀集城

鄉各紳董妥議衆情既稱允洽于農田舟楫兩有裨益是以批准給示辦理今據稟該塘建自宋政和年間水有上河下河之別至義橋卽柴船亦難通行改建閘橋則禾失灌溉糧無所出舉人黃元壽列名紳董無一知者以數百年相安之塘強欲開造藉端濟私置一鄉水利得失於不顧聯名稟請勘明諭止等情本縣查閱志乘所載黃築塘治西南二十里康熙九年塘壞邑令鄒修築易土以石時閱二百餘年現在改建閘橋是否有百全之利于水利農田有無妨礙既據該職等公同具稟請勘姑候查勘西江塘盤頭之便前詣履勘明確再行核辦着卽知照

清光緒時主墾主禁始末

光緒二十九年十月舉人黃元壽倡議墾荒組織厚正公司具稟

蕭山湘湖志

卷一

八

聶撫憲輯詞云爲教養相資叩請開墾荒土以廣農業而興教育事竊生財莫大乎地利救敝莫急乎培才黨庠家塾之興必先有利用厚生之具所謂國實民富而教化成也蕭山縣南二十里有湘湖者宋政和間楊文靖公宰蕭山時廢瘠地五萬餘畝潴水爲湖灌溉九鄉田禾築隄建閘啓閉有時賴其利者已五百餘年不知相沿至今更有可興民利者在湘湖形勢三面距山廣長四十餘里自定山前後起至青山張地方止有五里之遙一面依山均係高阜雖湖水平隄之時其地均高出水面於蓄水毫無干涉計廢地不下六千餘畝均可開墾現當振興農務之際登奉天諭以訓農爲急凡有荒土均准報墾而此六千餘畝之廢地湖不成湖田不成田既無廬舍墳墓之礙又於水利毫無增損况蕭山

地狹人稠農無可耕之田棄而不田誠爲可惜現經籌集英洋三萬元擬設立厚正公司繳價領地開墾一經開成並擬以是田租息十成之七作爲股份以三成作爲創辦學堂經費蓋蕭山一縣僅有小學堂一所又以經費不敷規模簡陋添設學堂實爲要務如蒙恩准應請遴選委員飭下蕭山縣會同勘丈一面出示曉諭以憑職按畝收價領地開墾近年米值翔貴蕭山負江而居地狹人稠食糧不敷增此六千餘畝之田上有益於國課下有利于民生而又教養並舉民智漸開以地方出息培地方人才利莫正焉事莫順焉理合妥議章程稟請大公祖大人察核俯賜委員會同蕭山縣勘丈並請出示曉諭實爲公便謹稟

謹將湘湖廢地急宜開墾利益及開設厚正公司章程開具

蕭山湘湖志

卷一

九

清摺恭呈鈞鑒

開墾湘湖廢地之利益

一湘湖爲水利攸關不能獨占惟湘湖依山高阜之處漲成廢地約計六千餘畝其地雖湖水平隄之時俱高出水面於蓄水毫無干涉若棄而不田誠爲可惜且湘湖原有五萬餘畝少此六千餘畝在湘湖亦不見其損况實爲湘湖之廢地乎

一湖水定例分灌九鄉茲既墾地爲田請於田湖交界處築塘一條立石爲限以免日久侵蝕湖身之弊

一湘湖長約四十餘里現在除廢地外淺灘亦多擬於築隄時取泥濬湖是湖身更深而於水利更多利益

一是項廢地紳民俱願開墾其所以日久延宕者實因資本之難

集及今開辦實懷紳民之本心而于鄉農尤爲樂意綠蕭邑農夫久苦承佃不易得此六千餘畝之田可以廣數千農夫之生計

一廢地不墾無人顧問愈漲愈多而久之湖將湮塞一經開辦則佃田者有人取泥者有人自不求濬湖而湖是濬則湘湖水利轉因開墾而獲益

一廢地不墾于湖有損於國無益一經勘丈按畝繳價驟得數萬之款迨成熟承糧又增常年之國課當此籌款維艱之際得此不無小補

開設公司章程

一設公司以資本爲先現集資本三萬元俟丈量後按畝繳價其

蕭山湘湖志 卷二

餘留作築隄用人等費倘若不敷再行籌填

一公司資本以百元爲一股現分三百股共計三萬元每股以六千畝計之一股得田二十畝倘丈量短少照此統減丈量有增則計畝加增

一開墾荒地先須繳價湘湖三面依山其近山砂石田畝與近水土田肥磽有別自應分別立價惟查各省繳價之數高者每畝三元次則二元一元不等今公司情殷報効統以每畝三元計算

一公司資本現定三百股其中二百股已立合同尙餘一百股職亦能籌填惟不敢專利謹留一百股以副各紳富之好倘願入股者俟收到股本發給印單以昭公利

一既立合同入股之人不得管田其稅由公司收入除開銷公司常用經費及十成之中提出三成作學堂經費外其餘按股分派並由公司年終開明賬目稟縣榜示並准入股之人稽查賬目以免欺飾而示大公

一開辦之始先招附近居民開墾倘農力有所不及由公司購買上洋機器教農試用以開風氣且不使稍有荒廢

一開荒成熟向以三年爲期此次自應照辦惟畝數較多或二年未能一律開齊應准隨時報明縣中請官勘驗

一勘丈繳價後應請飭縣發給印單每張約田二十畝以便分給股東執業並請編入魚鱗冊內以便稽查而免爭執

一學堂經費出於租息一俟租息有着卽行開辦

蕭山湘湖志 卷二

一三成學堂經費每年解交縣中存儲俟開辦學堂時支取以免侵蝕挪移之弊並請於學堂辦成後咨部立案

一開荒之地人人均可繳價領田惟是項荒地既由職稟請委員勘丈籌款開設公司且其中須提學堂經費築造塘隄則繳價一項必須歸公司獨繳俾得事歸畫一如願入股者將股本繳到公司發給印單執守

一公司資本以百元爲一股倘繳價築隄不敷此數應准隨時酌加

撫憲批墾荒固係當今要舉然須地無違礙輿情允洽方可興辦據稟擬墾湘湖廢田六千餘畝聲明於湘湖水利害無干涉是否確實所請委員勘丈應否照准仰農工商礦局會同布政司迅

卽飭查明確核議詳辦毋延切切

藩司翁桂詳報云案准農工商礦局移開奉憲台批蕭山縣舉人黃元壽稟請開墾荒土以廣農業而興教育由奉批上見稟及章程均抄發等因並據舉人黃元壽具稟到局據此查開墾荒土爲今之急務該舉人擬墾湘湖廢田究與該處水利有無違礙請飭查明確以昭核實而興地利移司查照掣銜會查詳辦等由過司准此此案前據該舉人黃元壽具稟到司當查蕭山湘湖攸關九鄉田畝水利淤積之所似應設法疏濬以復舊規不應乘便開墾漸佔湖地該舉人所稟實在如何情形有無違礙之處批府轉飭蕭山縣親詣查勘明確刻日繪圖詳復察辦在案茲准前由復查此項荒地究竟可否開墾與水利有無妨礙應卽由司委員會縣

蕭山湘湖志

卷一

十二

確切查勘核實辦理茲查有候補知縣趙世芬堪以委令前往勘辦除移行遵照外理合具文詳報仰祈憲台察核爲此備由呈乞照詳施行

藩司翁復轉詳云案准農工商礦局移開奉憲台批蕭山縣舉人黃元壽稟請開墾荒土以廣農業而興教育由奉批上見稟及章程均抄發等因並據舉人黃元壽具稟到局移司查照會詳辦理等由當經由司詳明委令候補知縣趙世芬前赴蕭山縣會同查勘去後茲據該印委會同稟稱查勘湘湖在邑之西南中有石橋一帶橋南曰上湘湖橋北曰下湘湖現在上湘湖南岸定山南北及橫築塘等處各有漲塗及高出水面二三尺者爲數無幾餘皆高與水平或出水面一二寸者不等飭令丈書逐一丈量定山南丈

得塗地一百三十八畝零定山北丈得塗地二千三百五十一畝

零橫築塘丈得塗地二百四十畝零楊家灣丈得塗地二百二十六畝零山前吳暨汪家堰丈得塗地七百六十畝零東汪丈得塗地七百四十二畝零麻西墩丈得塗地一百六十八畝零共計四千六百二十五畝零該舉人稟稱六千餘畝者大抵就水落時而言勘畢復飭繪工繪圖備查一面傳集就地紳耆諮詢輿論有謂漲地開後新田必賴湖水灌溉與舊田水利有礙者有謂該湖本係田闢初將田糧攤征得沾水利田內刻下議開甚易將來清糧較難者亦有謂地可開不宜設立公司辦理當時輿論不一回署後復請九鄉諸紳赴城會議到者僅二三人議論亦復不一卑職等伏查縣與湘湖志載得湖開於宋政和二年周圍八十餘里湖

蕭山湘湖志

卷一

十三

身廣三萬七千二畝零其水灌溉九鄉共一十四萬六千八百六十餘畝田業當時以湖田原糧一千石零七升五合攤入由化等九鄉田內征收湖中漲塗自宋迄今俱禁開墾現在漲塗若泥於禁令任其荒廢誠爲可惜第竟開墾誠恐築圩圍墾日見侵填於水利不無礙處於輿情未能允洽卑職管窺之見似以不開爲是繪具圖說稟祈察核等情到司據此本司查蕭山湘湖開於宋時湖身周圍八十餘里廣至三萬七千餘畝以顧九鄉水利前人孤詣苦心經營不易淤積之所以應設法疏濬以復舊規不應乘便開墾漸佔湖地現在定山南北漲塗高出水面者究屬無多開田墾種非築圩圍墾不足以禦水患必致貪多務得日見侵佔漫無限制且九鄉田畝原派湖糧清理亦不容易未便因此四千餘畝

之生息而害及九鄉十餘萬畝之水利應如該印委所議一概不准開墾惟近時人心不古往往藉詞新法講求農功不顧地方利害率請集股開荒現雖委查禁墾難免將來不飾詞聳聽復請委勘應請飭縣於該處立碑永禁一面傳勸九鄉紳士各鄉水利攸關湖身必須濬復各鄉業戶如何按年按畝捐貲將漲塗逐漸疏開同沾利益妥議章程稟由該縣復核稟辦以杜覬覦而惠農民除稟批示并移行外理合具文轉詳仰祈憲台察核批示爲此備由呈乞照詳施行

光緒三十年三月撫憲批司飭縣立碑永禁其碑文另錄

清宣統時主墾主禁始末

光緒三十年五月閩邑令李榮遵飭立碑永禁開墾宣統二年黃

蕭山湘湖志

卷一

十四

元壽復呈請增撫憲 詞云爲因時制宜開墾荒土公請確查地勢變通舊制以廣農業而資教養事竊生財莫大乎地利治地所貴乎因時世界開通不拘成例况滄桑改變明明有古有害而今無害古宜止而今宜行者如蕭山西南鄉之湘湖本宋令楊文靖公廢瘠田三萬六千餘畝瀦水爲湖灌溉九鄉之田十三萬畝功在民生事在志乘至明中葉太守彭戴二公開通積堰山築斷麻溪壩使諸義浦三縣之水從臨浦經義橋直達大江於是九鄉中之安養許賢二鄉地面有十成之八割在新開錢塘支江之南與湘湖永遠隔絕至明季太守湯公建三江開蓄洩有時利及三縣於是崇化昭明來蘇之鄉均沾三江利益不藉湖水由化鄉之滂湖村地勢較高旱間用湖水惟長興新義夏孝三鄉每年立秋

前三日放水白露後三日閉閘仍資灌溉合而計之全用者三鄉十用其二者三鄉滴水不用者三鄉故宋設放水十八穴明設八閘今之所開者六閘此古今水利之不同而開墾湖田之議所由起也所謂開墾湖田者亦並非改湖爲田湖之西南隅逼近江塘道光同治兩次倒塘沙塗淤進積久漸成高原因水利有餘無人議濬可以田而耕者約五千餘畝此外猶是汪洋湖水蓋湘湖之大周圍八十餘里以三萬六千畝之水利分派九鄉則每鄉應得水利四千畝今但以滴水不用之三鄉計之其應得之水利亦有一萬二千畝所墾者僅五千餘畝之水利加濬各鄉則水利之有盈無絀開墾之有利無害不辨而自明况不用者不止三鄉職元壽世居應用不用之鄉熟悉情形確知可墾礙於舊禁光緒二十

蕭山湘湖志

卷一

十五

四年後登奉諭旨飭民間開墾荒土仰見九重宵旰念民依遂於光緒二十九年通稟列憲照天一通海例設立墾務公司繳價開辦並提餘利二成興辦學堂蒙前撫批准飭司發委查勘事在可行忽有杭紳高爾伊由農商局稟詳撫憲特保在籍庶吉士邵章辦理是項墾務印委官見事有衝突含糊稟復略言或云可開或云不可開或云可開不宜設公司旋由翁前司詳撫停辦在案今總稟批其注重在變易古制侵佔湖身刪除湖耗三層夫古制因時損益錦州之天一公司爲上駟院牧地尙可變通何况民間廢地至若開墾以後而湖身不免侵佔勢必掘取已成之田填築汪洋之水愚公無此愚舊額三萬六千畝之糧散在十三萬畝每畝不過十數文崇化等鄉不用湖水空完湖耗者二百餘年

無人求免豈一旦開墾反議減糧且水利仍在何能免耗前此七百年禁令一旦破除愚民無知混稱九鄉未免因疑生阻現在發明至五六年之久水利之沿革婦孺咸知諒不能飾詞阻撓近來米價日昂又奉諭旨催墾而政界開通不拘成例但求有益於民朝令不妨夕改古制更可幹旋當此利權外溢生計日艱惟開一分地利即多一分天利特此邀集九鄉代表公同研究謹將公司章程古今水利表及開墾利害問答統呈大公祖大人電核俯賜發委確查開放禁令以廣農業而興教育實為公便謹稟

計附呈代表名單公司章程水利沿革表利害問答各一紙九鄉代表合資辦理者

陳光樞由化 陳儀亮由蘇 來裕昌由興 來福詒由興 陳士奎由明 孫思篤由興 傅

蕭山湘湖志 卷二 十六

留由 韓第昌由新 田履耕由化 湯在容由明 汪鴻鈞由安 黃寶經由安 盛

設立厚正公司章程

一公司設立以資本為先現擬集資三萬元俟丈量後按畝繳價其餘留作開河築隄用人等費若不敷用再行籌添

一公司資本以五十元為一股分六百股共計三萬元以六千畝計之每股應得田十畝外加紅股一百股倘丈量短少照此統減丈量有增則計畝加股

一公司章程仿照大凌河天一公司及通海公司辦法入股之人不得管田其田租由公司收入除完納錢糧開銷公司常用經費外作七百分派統提二成作地方公益並由公司年終開

眼稟縣榜示並准入股之人稽查以免欺飾而示大公

一勘丈繳價後例給股票每張十畝二成公益亦在其內以便分給股東執業並請將田畝編入魚鱗冊內以便稽查而垂久遠

一是項荒地既非鹹土一切種植均可相宜惟森林之業利厚而效遠將來開墾之後禾稻之外或種桑或植果木臨時酌奪

一開辦之始先儘九鄉人民承墾次及別鄉倘農力不及由公司購買耕田機器教農試用以開風氣不使稍有荒廢

一地方公益以教養為先務所提餘利二成以一成興辦學堂以半成修築江塘以半成歸積穀廩合邑人民均沾利益

一公司本非一二人所能經理承辦請九鄉代表協同辦理除入正股外酌提紅股以酬其勞

蕭山湘湖志 卷二 十七

一公司股分共六百股先由發起人承認一半其餘九鄉人分認一二成公益每年解縣發當生息俟開辦學堂及築塘賑飢時支用以免侵蝕挪移之弊並請於學堂辦成後咨部立案

一所集股本應先提官息七釐以符公司通例惟開辦一二年內能否提息屆時另議

一湘湖為九鄉蓄水現在下四鄉所用者僅由化鄉之澇湖村十年中或一二用上五鄉長興新義夏孝及安養許賢二成地面每年夏秋均放湖水今舉種高原必須多開河道池蕩增益新開五千餘畝自用之水並於田湖交界處隨地築造塘隄立石為誌以清界限永防日後侵佔湖身之弊

湘湖古今水利沿革表

蕭山地本磽瘠當宋元時積堰未通麻溪三江未開歲潦則諸義浦三縣之水從麻溪灌入一邑低邱成爲巨浸故有白蘆塘大堰壩徐家開吟龍開將西小江堵截以防漫入西南鄉歲旱則水有洩而無蓄雖南門江之低僅存帶水何論高鄉故宋令楊文靖公通籌九鄉水利作爲湘湖今者水漿霑足一邑土田悉成沃壤楊公之惠澤何待贅言但時異勢殊所謂九鄉水利祇知其名罕知其實或且湘湖水利專爲開上高鄉而設訛以傳訛是非淆亂欲知開墾湖田之利益先表古今水利之分殊如左

宋元以來得水利者九鄉 村名不及備載

湘湖水利始於楊成於顧清於魏與何初祇八鄉宋令顧冲以許賢鄉之田無水少損八鄉之水以灌許賢始有九鄉宋元時開壩放水以地之高下分放之先後以田之多寡定時之長短水利之均如此

長山	西門外	潭頭	歷山	上菴	孝子頭	西周	西山一	舒家坂
滂湖	梅花樓	開家壩	汪家壩	石蓋	牌軒下	丁村	老屋	車家壩
西許	東陽橋	青山張	西汪	下村	峽山	單家壩	新莊	呂才莊
東許	下	堰斗孫	東汪	北塢	黃梁壩	來蘇周	西蜀山	大通橋
一都韓	市中心橋	後	山前吳	南塢	新塢	東莊周	史家橋	道源橋
塘裏陳	由夏鄉	冠山前五都三圖	金街甸	義橋	大路張	後吳	米市	
圖	圖	圖	圖	圖	圖	圖	圖	圖
由化鄉夏孝鄉長興鄉安養鄉許賢鄉新義鄉來蘇鄉崇化鄉昭明鄉	一都一圖二都一圖四都一圖五都一圖六都一圖十五都五來十八都十九都至二十一都	至一都八至二都五至四都四	石門至七都	圖至辛十至五圖	二十都	南街至東		

蕭山湘湖志

卷二

十九

張家莊	長河	孔家莊	雙廟莊	杜湖	西興	瓦窰頭	三都一圖	三都二圖	三都三圖	後塘一	孔家壩	許家壩	六都四圖	雙橋頭	雙橋頭	中坎莊	下坂金	帶	史村曹	東蜀山	曾家橋
-----	----	-----	-----	----	----	-----	------	------	------	-----	-----	-----	------	-----	-----	-----	-----	---	-----	-----	-----

自明季以來全用者三鄉

三鄉地處上游自新塘起至西興止麻溪三江之水均沾不著每年夏秋間正資湖水灌溉

新義鄉

長興鄉

夏孝鄉

安許兩鄉宋元時尾連湘湖自明代開通嶺後山後八成地在湖內均用湖水經由縣城凡九壩而達湖故十年中僅一極不放放則從湖口水經縣城凡九壩而達湖故十年中僅一極

安養鄉	山前吳	許賢鄉	華家里	由化鄉	滂湖
東汪	雙橋頭				

docsriver 文川网
入驻商家 古籍书城

在文川网搜索古籍书城 获取更多电子书

西汜 漁浦莊
汪家堰 中坎莊
歷山

滴水不用者三鄉

三鄉地處下游宋時開放湖水下壩在張家堰八里橫等處至
今遠跡雖存父老未能詳述惟志書尙可稽考自明季麻溪三
江次第建開啓閉有時於是來昭崇等鄉水
利沾足三百年來無庸湖耗仍完

來蘇鄉

崇化鄉

昭明鄉

按九鄉水利系宋元舊制沿至今日合全用半用不用之鄉
計之水利當餘一半宋元時十八穴放水定有長短時刻不
能多少見蕭山縣志及西河全集今減
至六開自立秋前三日起至白露後三日止
統長開放不拘時刻湖水之多此其明證今墾不能蓄水
之高灘五千餘畝不及十分之二復因此開通河渠多穿池

蕭山湘湖志 卷一

二十一

蕩以灌湖田再當取泥築塘挖去淺灘開闢龍港則湖水大
有增益一切開墾塘隄及啓閉時日悉仍其舊即依宋制灌
溉九鄉亦無不足奚止上五鄉哉

藻按沾湘湖水利者共計六十八圖一都領圖六爲由化鄉二都
領圖六爲由夏鄉宋元合一二兩都爲由化鄉
故順冲均水表無由夏鄉三都領圖十二爲
夏孝鄉四都領圖四爲長興鄉辛十六都領圖四爲新義鄉來十
八都領圖五爲來蘇鄉十九都領圖四爲崇化鄉廿都領圖十二
爲崇化鄉廿一都領圖十二爲昭明鄉合安養鄉之五都三圖許
賢鄉之六都四圖新義鄉之十五都五圖適符六十八圖之數查
表列許賢鄉欄內六都一至七都云云未免有失實之處蓋六十
八圖中明明限定許賢只六都四圖何得增添其他都圖致歧成

案恐予混爭者以口實特據邑志所載以正其誤

開墾湘湖荒土研究利害問答

或問湘湖開墾於水利有損否 答曰無損湘湖舊廢田三萬六
千餘畝即以廢田三萬六千餘畝合舊有官河溝渠池蕩道路
在內不下五萬餘畝今墾五千餘畝不過去十分之一况既辦
開墾勢必挖河築隄就河取泥淺者使深塞者使通水利顯有
裨益若以舊制論之則湖以蓄水此等高灘理宜挖去載土出
湖棄之錢塘江中經費均需數十萬此萬無之事也挖之不能
則荒之荒之則不如墾之

或問湘湖既墾之後能逐漸侵佔否 答曰不能大凡種田必須
土膏湘湖自青山張以下均係舊戶就河取泥日取日深附近

蕭山湘湖志 卷一

二十一

居民取水底草泥以爲肥料每年三四月間日出數百船因此
湖身不濬而自濬除高灘外並無土肉可耕如可侵佔則白馬
湖中有懸灘七十二其中田價甚貴湖地且無人收管何以至
今懸灘之田不見其多而汪汪千頃之南門河兩岸皆田何不
逐漸填之以自廣乎

或問上湘湖自跨湖橋以上盡改爲田可乎 答曰不可不但此
水爲上五鄉所用即使無用決隄而涸並無土肉祇能種菱茭
作藕池天下無此呆漢不觀夫修西江塘對塘取泥之民田乎
所去之土不過四五尺而此田終廢祇能種菱藕取泥少者鄉
民勸力填補非三四年不能復原此田之所以可貴也

或問此田因漲而開墾將來別有漲地能再墾乎 答曰不能湘

湖非沙土本不能漲現墾之地緣東注至亭子頭一帶逼近江塘故兩次倒塘沙塗擁進積久漸成高灘此外湖地離江較遠或十餘里七八里村莊隔斷即使倒塘沙土不能擁到

或問湖地開墾於全湖有益否 答曰有益湘湖經費在小塘捐項下支用連尖山浮橋等費祇四百餘千修理塘閘實不敷用何能廣濟湖身今立公司從學堂經費內提出若干作濬河經費從此修塘修閘濬湖用度自然充足亦於全湖有益

或問是田既墾種田之人誠獲利益不種田之人能沾利否 答曰能沾湖田六千畝一縣之大焉得人人種之然每出糧米萬餘石不種田之人有此亦不無裨益况有學堂以惠士林今擬學堂經費外派分若干以充積穀則闔邑均沾利益矣

蕭山湘湖志 卷二

一十二

或問墾田則必升科湖田既承糧則九鄉湖耗可刪除否 答曰不能湖耗因水利而派今水利依舊何能免耗况原額三萬六千畝之糧攤派於得水之田十四萬餘畝今墾五千餘畝按額計之不及十分之二若每畝湖耗減去三五文豈不瑣屑且持此說而推之則安養許賢崇化昭明來蘇等鄉自前明以來或全鄉不用或半鄉不用將三百餘年湖耗不當一一算還乎

或問湘湖墾田於窰戶有損否 答曰無損凡作磚瓦者必用水底之泥而高灘之泥無用故窰戶多在下湖若此泥可用則此泥早被窰戶挖盡焉有今日開墾之事况以開墾而加以疏濬裝運磚瓦船隻較便何損之有

或問下場開通湖水放乾上場仍舊於西江塘建二閘引江水灌

五鄉此法能行否 答曰不能何論湘湖為九鄉公共之水不能開放江水鹹苦不能灌禾即可灌禾江低田高非絕大湖況不能放進况西江塘為山會蕭三邑保障一旦更動三邑合攻為此說者破壞事機故現辦開墾場塘隄一概照舊

或問湘湖舊灌九鄉新開六千畝亦須用水不將與得水之田爭水利乎 答曰無爭大凡種田必須水道一片乾土有種作而無收成此大禹所以盡力乎濬也無論舊灌九鄉今灌五鄉既墾高灘必先於所開之地多穿池蕩開通河道建水閘以時啓閉否則立秋後白露前湖場已開湖田從何灌溉故雖增墾荒地與得水之鄉不爭水利有為之說者曰圩淺灘以為田增墾至一萬餘畝挖深湖身以還湖水局面更大水利似仍無礙

蕭山湘湖志 卷二

一十三

不知湘湖所灌者高鄉湖身過深雖有水不能逆放至高鄉此不達吾蕭邑地勢之言也

或問公司近於專利將此田歸九鄉農民繳價分墾可乎 答曰不可沙地牧地之可以分墾者以一片平原開荒較易又無水利交涉若將荒地變賣無論學堂積穀濬湖經費一概無出而一經分繳則高田爭買低者棄之近水之田爭買中央無水者棄之隱匿爭奪伊於胡底且官紳經理分田而止築隄開湖無人承管即或經營於始數年之後毀隄塞湖依水為圩而以草以漁以佃全湖破壞歸咎何人今立公司始終經理一有毀敗九鄉人民交責公司無從推諉故設公司所以保全水利也

或問湖田開墾與墳墓廬舍有干礙否 答曰無礙種田之事不